

Աշակերտի ամբողջ դաշտն գրեթէ զիւղէս 12
ժամ դէպի հիւսիսային արևելք կը տարածուի:

Գիւղս սակաւ իմն հակեալ է դէպի Շեռեանայ
վերան. ունի 120 տուն բնակիչ, որոց 30 տունը հայ
կաթողիկէներ են, 8 տան չափ ևս քուրդ և քանի տներ
ևս բողոքականութեան հետևողներ:

Շեռեանայ երկու ափերն որ զիւղիս տեսարանն են,
ընդարձակ մարգագետիններ են, ուր և միանգամայն
ուռի ծառի բողբոջներ աճելով անտառակներ կազմած
են, հակառակ այն աւերիչ մրցմանց, զոր զիւղացին ամ
ըստ ամէ կը ջարդէ, կանհետացնէ, սակայն այս դիւրին
աճող ծառն ի խոր արմատ ձգած լինելով՝ յաջորդ տա-
րին դարձեալ իւր վիճակին մէջ է, բողբոջներն 2—3
մեթր բարձրացած են, մազուլի փուշն խիտ ընդ խիտ
պատած է, տեղ տեղ չիչխան փշերու միջէն ոչ ոք չէ
կարող ճանապարհորդել և անասունք միանգամայն:

Այս ուռի բողբոջներն շատ անգամ կը գործած-
ուին կողով, սլա, ըռաֆադայ շինելու, այժմ թուրք
գաղթականներն արմատահան անելով կը տանին Թ.
գալէ վաճառելու:

Գիւղիս շրջականերն տասնի չափ ջրաղացներ
կան, որոց շուրջն նաև առուներու եզրն ուռի և բարտի
ծառեր բարձրացած են, բազմաթիւ պարտէզներ և
բանջարանոցներ զիւղիս շուրջն կան՝ ցանկով պատած:

Մի մեծ ջրուղի հանուած է Շեռեանայ զլխից¹,
որով զիւղիս արտօրայք կոռոզուին: Այս ջրուղին շատ
հին է, 2 1/2 ժամ զիւղէս բարձր Շեռեանայ ձախ ափէն
ջուրը հանուած է դէպի արևելք: Այժմ՝ երկու ա-

1. Շեռեան ամբողջ ընթացքին մէջ այս առուն է միայն, որ Խաս-
տուրայ, Մարդոյի և Շամսաշարի քաւառաց առանտ ջուր կընծայէ: